

Apologie

Dazelenne

1618

W7
↓

APOLOGIE

CONTRE LES POLI-
TIQUES ENNEMIS DE LA
Religion & de l'Estat, avec le
procès fait à la mesdisance.

*Et une briefue description de la Genealo-
gie de Madame de Luynes, le tout à
elle dedié par le sieur Dardenne,
Prieur de Domerat.*



A PARIS;

Chez la veuve PIERRE BERTAVLT, au
mont S. Hilaire, à l'Estoille d'or
couronnée.

M. DC. XVIII.

Avec Approbation.

Cass

F

39

326

Extrait du Priuilege du Roy.

1618

PAR grace & Priuilege du Roy, il est permis à la veufue **PIERRE BERTAVLT**, de faire imprimer, vn Liure intitulé *Apolo-
gie contre les Politiques ennemis de la Religion & de
l'Estat, avec le procès fait à la mesdisance, & une
briefue description de la genealogie de la Dame de
LVYSNES*, composé par le sieur Dardenne
Prieur de Domerat. Et deffenses sont faictes à
tous Imprimeurs & Libraires, d'imprimer
ou faire imprimer ledi< Liure, à peine de
confiscation des Exemplaires, & de mil li-
ures d'amendes, pour le temps & espace de
six ans, comme plus amplement est conte-
nu audi< Priuilege. Donné le 9. iour de
Nouembre 1618.

Par le Conseil.

Signé,

SALOMON.



A HAVTE ET PVISSANTE

*Dame, Marie de Rohan, jssuë des
Rois de Bretagne, & Dame
de Luysnes.*



ADAME,

Ayant aperceu l'honneur
& le merite vous ajancer &
preparer des guirlandes de
roses, vous offrir des myr-
tes, lys, lauriers & couron-
nes, ay voulu les imiter en ce deuoir: mais ie
crains que ce soit trop tard pour l'affluence
de ceux qui ayans plaines mains de fleurs de
bonne odeur & de liures abordent vostre
grandeur, dont l'œil iudicieux ne peut rien
voir que de releué, ny rien receuoir que de
grand en prix ou en estime. Considerations
qui n'ont peu esbranler ma constance, ny em-
pescher que ie porte à vos pieds ce traicté
auec les ailes de l'humilité, & non d'iceare, &
que i'y appende en suite les vœus de mon ser-
uice. Agreez le tout, Madame, quoy que peu

A ij

digne de vostre grandeur , correspondant toutesfois à celle de mon affection , qui vous fait offre au lieu de palmes du racourcy de vostre genealogie , & pour couronnes vous presente avec tout respect les quatre parties de ce liure . Cu vous verrez s'y daignez l'honorer de vos regards la Religion faire boutonner & espanir les lys de la France , soustenir les Monarchies , entretenir le lustre & la gloire des Roys , & la doctrine des Peres Iesuites avec leur pieté conseruer l'vne en sa pureté , & appuyer comme vn bon pied d'estail les autres , foulans aux pieds l'heresie comme hydre lerneane . Aurez aussi pour agreable le passe-temps du procès que ie fais aux calomnieurs & maldisans, le tout ne tendant, Madame, qu'auancer l'honneur de Dieu à l'esgal de mon pouuoir , sa bonté receura mon zele pour suppleer à mon impuissance . Pour vostre regard, Madame, j'employeray la naturelle douceur qui accompagne vostre grandeur , afin qu'à sa faueur ce present vous puisse plaire cōme d'vn qui a l'honneur d'estre tres-humble seruiteur & filieul de Monseigneur vostre pere Prince , qui a tousiours veu d'vn bon œil nos volontez entierement portées à luy seruir de pere en fils avec autant de fidelité & d'affection qu'il s'en peut retrouver en personnes de nostre condition . Aussi luy sommes nous grandement redeuables pour les biens-faicts

que liberalement il nous a esslargis. Et luy ay
vne particuliere obligation , & à vous du peu
que Dieu m'a donné. Dont ie ne puis auoir
qu'un perpetuel ressentiment accompagné
d'un inuiolable desir de vous voir prosperer
tous deux avec Monseigneur vostre mary , &
jouyr d'un contentement solide pour en ice-
luy vous voir rendre conformes à la volonté
diuine, & vous affermir le chemin de l'eterni-
té. Vous suppliant m'honorer iusqu'au tom-
beau de la qualité,

MADAME,

De tres-humble, & tres-obeissant
seruiteur HERCVLES DE
CHERBEYT, dict Dardenne,
Prieur indigne.



AV LECTEUR.

AMY Lecteur, me promenant n'a-
gues en un iardin, i'apperceus un
parterre ou Flore & la nature auoient
trouuailé à l'enuy l'ayants esmaillé de
diuers simples, dont les couleurs estoient autant va-
riees que leurs qualitez & prix diuers. Le conside-
rant atteruicement en forme un spirituel de l'Eglise
ou me representant diuers degrez, dignitez, & or-
dres, i'en contemplois les personnes comme fleurs qui
embellissoient son pouxprix & ietté les yeux de mon
esprit sur celles que Iesus Christ iardinier de nos ames
a honorees de son nom, l'une desquelles pour son
teinct coloré & d'albastre, me donna l'enuie d'en
cueillir pleines mains pour former ce traicté comme
un bouquet. Ce qu'ay faict tant pour me retenir es li-
mites de la bien-seance, qu'aussi pour satisfaire à
moy-mesme qui honore chascune chose par son prix,
sans vouloir comme Cantaride m'attacher avec les
picquerons du mespris aux autres fleurs & compa-
gnies de la Chrestienté, lesquelles i'honore toutes com-
me contribuant à l'extirpation de l'heresie, & en-
tre toutes icelles la maison de Sorbonne, mere & no-

rice de mille beaux esprits, laquelle merite beaucoup
de louanges: Mais entant que i'ay resolu de ne parler
que des Peres Iesuites dont la vertu parle assez ie m'y
suis arresté, laissant de la matiere aux doctes de ce
temps pour chanter les merites des autres corps hono-
rables comme de ceux qui ainsi que de fleurs parent
l'Eglise m'estant reserué pour publier les admirables
qualitez de la fleur grandement agreable de Iesus,
tant pour le nom qui m'est doux & sacré que pour la
vertu singuliere qu'ay recogneue en elle à contrepoin-
cter & vaincre le venin du froid pauot de l'heresie,
i'ay voulu experimenter en ce liuret mon pinceau, &
y ay marqué les traiçts premiers de mon crayon trop
grossierement à la verité, mais on peut s'asseurer que
si d'un visage amy l'on reçoit cecy de ma main c'est
l'obliger à laisser escouler à quelque ouvrage plus ar-
tistement faict celui-cy dont le subiet est fort releué,
mais ie le rauale par mon stile mal limé, toutesfois si
tu regardes à la candeur de mon intention apres auoir
tout leu ie me promets que tu m'obligeras de n'en pas
iuger sinistrement, mais à mon aduantage. A Dieu.

Laus Deo.

NOVS soubigné Docteurs en la Faculté de Theologie de Paris, certifions auoir veu & leu cette presente Apologie diuisee en quatre parties; auquel n'auons rien trouué de contraire à la doctrine de l'Eglise Catholique, Apostolique, & Romaine. En foy dequoy auons mis cy bas nostre seing, ce 23. Octobre 1618.

I. GOVAVLT.
F. CLAVDIUS LE PETIT,
apud Minores in Theologia
professor.



LA RELIGION

*maintient les Roys en leur
Autorité.*

DAR moy regnent les Roys, dit le Seigneur, & par les loix qu'ils ordonnent, ils commandent choses iustes à leurs subiets. Aussi voyons nous en leur premier establissement vn signe remarquable de l'election & erection de telles puissances, Dieu commandant à son prophete Samuel, d'enpreindre en huyle dans le front & sur la poitrine de Saul la marque de Tau, marque diuinement immortelle, pour monstrer qu'ils sont les oincts du Seigneur, & qu'il en a vn soing particulier, comme les viues images, dont il s'en reserue le cœur & la disposition, pour sa plus grande gloire. Or esleuez qu'ils sont du commun à cet auguste & Royale dignité, ainsi qu'ils excellent en pouuoir & autorité, aussi faut-il qu'ils soient plus courageux, plus sages & aduisez, par ce que Dieu les a destinez icy bas pour le représenter en sa-

2
gesse: Et de faict, tout ainsi qu'il les a destineez
deuant la naissance à la Couronne, il semble
quant & quant les auoir destineez à la vertu,
leur donnant les prerogatiues qu'il voyoit ne-
cessaires à leur qualité, comme telle qui re-
quiert en effect autant de resolution pour son
entretien qu'elle a veritablement plus d'an-
goisses & d'épines que de roses, dont elle ne
les gratifie qu'en apparence. Ce que Dieu de-
bonnaire, & tout preuoyant, a voulu permet-
tre pour mesler l'aigré avec le doux, l'absyn-
the avec le miel, & faire que ceux qui ont ab-
solutement les delices en leur puissance, ne vin-
sent à s'en yurer, sans se souuenir de Dieu, &
de ce qu'il les a faict estre. Pour releuer aussi
bien d'un Souuerain qu'ils font souueraine-
ment releuer leurs peuples de leur Couron-
ne: Dont mesmes ils ont des marques trop
asseurees aux miseres qu'ils goustent esgale-
ment avec leurs subiects, sans estre ce semble
plus privilegez qu'en ce qui est du bien estre
de leur naissance, qu'ils emportent seulement
par dessus leurs vassaux pour leur gouverne-
ment & conseruation, afin de maintenir en
accord l'ordre & l'harmonie que Dieu a com-
mandé en ce bas monde. C'est ce qu'il recom-
mande si souuent aux loix, qu'il ne leur per-
met de changer, & qui font qu'estant bien
gardez, l'honneur de Dieu & le leur s'entre-
tient en son entier. Ou au contraire, s'ils y

manquent, outre qu'ils n'en peuuent eschapper le blasme. On les voit tout à coup descheoir, ainsi qu'Icaries de leur pretention, & ressentir au mespris qu'en font iournellement leurs inferieurs, & à leurs desaduantages, ce qu'ils ont trop merit  , pour le mespris qu'ils ont auparauant faict des commandemens de leur Seigneur & Maistre.

Car les graces qu'il donne    ceux dont il s'acquiert les ames par la gratification de tels aduantages, sont plus puissants moyens pour les gagner    sa volont  , qu'un million d'autres faueurs moins particulieres qu'il depart    tout le reste des hommes. Mais comme il oblige beaucoup un Roy de l'appeller entre tous    cette charge, luy conferant gratuitement ce qui y est requis pour l'entretenir, aussi faut-il qu'il en tire du seruice bien different du reste des autres, & qu'outre la recognoissance que la Nature doit    ses subiets    son premier estre, qu'il rende liberalement tout l'honneur qu'une creature doit    son Createur, l'esclaue    son maistre, & le vassal    son Roy. Aussi est-il vray que Dieu l'a de tout temps voulu remarquer parmi le peuple mesme aux sacrifices qu'il luy imposoit correspondants    sa Royaut  , sans toutesfois permettre iamais qu'en ses liberalitez le plus grand present diminuast en rien le moindre de ses tresors, estant ce semble trop content

de l'affection & franchise qu'il vouloit pour compagne à son intention. Saül ce refractaire le sçauoit bien, & en fit neantmoins tant de mépris, qu'il tenoit à grand tort que Dieu luy eust mis les forces en main pour la deffaiçte qu'il luy commandoit des ennemis de sa gloire, sans considerer ce qu'estoit de son premier estre, & de celuy où il estoit. Esleu entre tous les plus fauoris pour estre absolument gouuerneur d'un peuple, & y exercer parmi la clemence vne iustice bien policée, telle que la conseruation de son Estat eust requis, & ce que la diuine Majesté luy en commandoit. Il n'ignoroit pas combien l'humble simplicité luy plaisoit, avec ce qu'il luy auoit tant defendu de paroistre eleué deuant sa face, de peur d'en receuoir, oultre sa disgrace le repentir qu'il trouua à la parfin dans sa desobeissance, ayant en punition de voir vn chetif Bergerot en sa place, pour auoir aussi peu sceu s'assuietir, qu'il n'auoit iamais appris en toute sa Royauté ce qu'estoit de bien commander. La raison mesme de Nature nous monstre au doigt en quelque chose qui subsiste, tant soit elle grande apres Dieu, veu qu'elle subsiste & tient beaucoup moins de ce qu'elle est, que de ce qui luy donne la fin & l'estre, que les plus grands y trouuent par consequent dequoy se cognoistre, & recognoistre ce qui les a faict, puis qu'ils n'en tiennent

pas moins après toute autre raison que l'ad-
uancement qu'ils ont , & la fin qu'ils atten-
dent de leur grandeur. On voyt par là que
toutes les Monarchies ne se maintiennent que
par sa puissance , & que cest à luy seul à oster
ou perpetuer sur les throsnes les enfans des
Roys s'ils l'ont serui avec la fidelité qu'il a
louïe en Dauid à qui il asseura la couronne
pour ses successeurs , & en sa personne à tous
les autres qui cheriroient ses loix, avec autant
d'amour & de resolution. D'où nous auons
vn beau subiet d'esperance en cet Empire, y
ayant pour vn Prince vn vray heritier de la ius-
te clemence de Dauid, Prince qui se monstre
vrayement autant sage que porté d'vn grand
zele à la religion , aux preuues qu'il rend
tous les iours de sa vertu , & qui nous promet
vn regne aussi long que plein de bon-heur,
avec de mesmes successeurs ses enfans à la pos-
terité.

Ce qu'il a faict à l'entree de sa Couronne
nous en donne assez d'apparence, ou nous
auons veu la religion auparauāt toute affoiblie,
se remettre sur ses pieds , & de demie morte
qu'elle estoit par la violence del'enfer, deue-
nir plus forte que iamais, avec le soin pieuse-
ment paternel qu'il en a prins à la confusion
des ennemis, qui cherchoient où arborer
leurs triumphes deuant qu'auoir meritē la vi-
ctoire. C'est où il s'est faict voir comme vn

beau Soleil pour escarter le brouillart de l'heresie, & rendre à l'Eglise ce qu'elle y auoit escarré de son lustre, paroissant en tous ses desseins aussi sage à rechercher les moyens d'entretenir son Estat, que soigneux d'aduancer l'honneur de Dieu en son Royaume, par l'establissement de son amour & l'augmentation de la piete. Aussi est-ce l'vnique moyen qu'ont trouué les mieux aduisez, pour faire long temps florir leur Empire, que d'y faire entrer vne police bien ordonnee, & de les maintenir dans la religion. Salomon pour auoir recherché tant de belles ceremonies qu'on gardoit en l'Eglise, & faict bastir ce noble Edifice, se rendit si agreable à la diuine Majesté, qu'elle le fit honorer du tiltre de Sage, tiltre particulièrement aduantageux, qui le rendoit en perfection plus semblable à la diuinité, & le faisoit estre son Image d'vne autre façon que les autres Roys, qui ne les portent ce semble, que parce qu'ils ont de participation à sa grandeur, & seulement en qualité de ce qu'ils sont nos Princes & Gouverneurs. Là où ce grand Sage, comme le modele des plus parfaits a eu & merité cet honneur entre tous que d'estre la lumiere qui éclairoit en toutes les parties du monde, sans autre jalousie que de ceux qui s'efforçoient de l'honorer d'auantage, & de se rendre plus disposez pour entreprendre ses commandements.

Sabba cettre puissante Roynie, fist bien voir ce qu'on en pensoit, s'estant à l'enuy resoluë contre l'irresolution de son sexe à franchir toute difficulté & mal-aise pour en ouyr les oracles qu'elle admira depuis, comme tels qui sembloient moins partir d'un esprit-homme que de ce qui se faict purement recognoistre spirituel. Et tant de Roys qui faisoient gloire de releuer de ses volontez estant si forts & en si grand nombre qu'ils eussent trop suffi pour s'acquérir autāt d'Empires, qu'est ce qui les y obligeoit que ses merites, & les graces diuinement singulieres dont il se faisoit, & craindre & aymer aux nations les plus estrangeres. Il en fut long temps là, qu'on le caressoit comme l'œil du monde, tandis qu'il eut son Dieu deuant les yeux, & ses preceptes en recommandation, ou au contraire son ame n'eut pas plustost quitté sa religion qu'elle ne quittast quant & quant ce qui l'a rendoit tant recommandable, pour s'adonner à toute sorte de debordements & d'infamie. Mais en telle façon que Salomon se vit tout à coup sans sagesse, & son Royaume sans ordre n'y prosperité. C'est par là que Dieu a tousiours faict voir qu'il se donne le gouuernement des Roys, & qu'au bien & au mal qu'on leur puisse imputer, ils s'en est à luy seul reserué la cognoissance, puis que c'est de luy seul qu'ils tiennent leurs ames avec ce qu'ils ont de principautez.

Là il pas bien monſtré en la perſonne de ce grand Roy, luy oſtant outre ſes graces ſon Royaume qu'il fiſt paſſer au manient de ſon ſeruiteur, ſans eſgard de ce qu'y preten-
doit Roboam ſon fils, qui n'eſperoit pas moins comme ſucceſſeur de ſon pere, que de voir dans ſa mort la naiſſance & l'accompliſſement de ſon bon-heur. Et en Manaſſes qu'en a-il point faiſt pour nous donner vne iuſte crain-
te de ſa iuſtice, l'ayant ſi bien & ſi long temps puni en ſa deſobeiſſance, que de rebelle qu'il eſtoit, ils'en fiſt vn grand ſeruiteur, & de ſon ennemi le maintien & le protecteur de ſa gloi-
re. Diſons de plus, qu'il n'eut pas ſi toſt veu l'inſolence de Nabuchodonosor à meſ-ſer des grandes victoires qu'il luy mettoit entre les mains qu'il ne le rauallaſt incontinent, iuſ-
qu'au rien meſme, le faiſant d'un grand Roy vne pauvre brute parmi les ſauuages, pour luy faire aduoüer & recognoiſtre que la puisſance d'un Dieu des armées eſtoit aſſez grande pour rabattre l'orgueil d'un preſomptueux, l'ayant bien faiſt ſentir à ſon peuple le mieux ayiné qu'il auoit auparauāt admis à ſon heritage, & depuis par vne rigueur de iuſtice demis, & reprouué pour ſa méconnoiſſance. Repaſſant meſmes ſur le paganisme pour y remarquer ce qu'y a donné & maintenu le luſtre de la pourpre Royale. Nous voyons vn Numa heureuſement honoré au ſoin qu'il eut de la religion,
& ce

& ce grand & Auguste regner les cinquante ans du moins en vne absolue prosperité pour les sacrifices qu'il auoit fondé, & entretenoit assiduellement chaque année au temple destiné à la recognoissance d'un vray Dieu; ou au contraire Caligule l'irreligieux pour auoir tant osé que d'exposer son Idole dans le temple de Hierusalem, n'en porta pas loing la punition qu'il eut, de mourir honteusement comme vn infame; aussi bien que le sacrilege Pompee long temps auparauant, pour auoir impudemment butiné le thresor qui seruoit au diuin temple de Salomon. Ils n'auoyent que trop de respect à Rome pour leurs idoles, & tant que qui les eust mesprisé, ou par paroles, ou en effect, il n'attendoit pas moins qu'un mont Tarpeiam pour precipice, mesme les plus renommez d'entre leurs guerriers qui faisoient autant de paroistre deuant les Dieux en pieté qu'aux victoires dont ils leurs soumettoient les courones & les triomphes sans y rien prendre de ce qu'ils auoyent eu de bonne rencontre & de gloire. Aussi louons nous ce qu'en dit merueilleusement bien vn de leurs Annalistes, que si Cesar se fust moins adoré pour adorer, ce qui le meritoit mieux qu'il eust eu moins de malheurs à la consideration de sa vie, & plus d'honneur en la jouissance de ses conquestes: Et à mesme propos ce qui est en vn autre, que si Vitellius eut sou-

uent jetté les yeux au ciel pour y çognoistre le siege de sa fortune, cōme il fit apres au fort de son mal que le poignart de la force ne l'y eussent publiquement contrainct dans sa ville où il fut trainé & traicté cōme vne beste sans secours n'y ami qui en eust seulement compassion. L'historien Iuif parle d'une belle conuersion que fist le Roy des Abdiabenites à la loy de Moysse, malgré toute resistance & quelque iugement qu'en fissent presque tous ses subiects, qui n'eurent pourtant iamais tant d'aduantage sur sa resolution qu'il n'eust tousiours dauantage de force sur les seditieux, & de puissance à remettre ses amis en leurs terres cōme vn Artabanus que les Parthes auoyent dechassé de sa Royauté. Tous lesquels témoignages nous sont pour asseurance de l'heur & honneur que Dieu a tousiours faict accompagner la religion de ses Princes, & comme il a delaisié ceux qu'il a trouué sans Dieu & sans ame pour recompenser temporellement en ce monde les idolatres qu'il voyoit chaudement portez au seruice qu'ils auoyent uoié à quelque diuinité. Et pour fermer l'entree de mon edifice que ie vous veux faire en vn racourcy Gedeon & Iudith, ces deux ames religieuses nous apprendront ce qu'est de la puissance de leur Dieu, & du soin qu'il a ordinairement de ceux qu'il voyt affectionner son seruice, dont l'un par sa pieté plus que par l'af-

sistance des lampes qu'il portoit en guise d'espée, attaqua & defist toute vne armée de Madianites, & l'autre sur la fiance qu'elle auoit au secours de celuy qui l'auoit enuoyée vint à bout d'un monde de soldats acharnez au sang & au pillage par la victoire qu'elle eut de leur Capitaine, dont elle emporta la teste & la vie qu'il vouloit miserablement oster aux pauvres Israelites. Quittant ce subiet nous passerons au second.

*Comme les Peres Iesuites sont nécessaires
en France, & empeschent la subuersion
de l'Estat.*

TOus desseins releuez requierent vne conduite particuliere, & ont necessairement affaire d'un second pour agir, ne pouvant estre effectuez par la pensée qui leur donne l'estre sans l'organe qui les perfectionne au iour. La nature non plus n'esmaille ses ouurages qu'à l'ayde de la substance secondée de la matiere, s'en sert cōme de canevas pour nous faire paroistre l'industrie de son art en la diuversité de ses rencōtres aussi belles que rares. Les fleurs ne naissent és plantes qu'à la faueur de leurs tiges, ny és arbres les fruicts preuenus des fleurs secondées de leur tronc,

& à couuert de leurs feuilles: Et l'ame ne peult auoir cet aduantage de perseuerer en grace sans vne assistance speciale de Dieu, sans guide qui la seconde & face escorte parmy les hasards & tempestes de la vie mondaine. L'auteur de la nature s'estant reserué en propre d'effectuer sans moyens ce qu'il a en volonté, a denié aux creatures ceste prerogatiue, pour marquer nostre impuissance, & se reseruer l'Empire absolu de nos intentions ne permettant qu'elles reüssissent sans le secours de sa grace ou du prochain, afin d'entretenir le commerce de la charité libre parmy nous, & a dessein qu'imitions ceux qui se sont conformez à ses volontez, dont les exemples communs en l'Escripture nous apprennent, que la des fiance que l'on a de soy n'est pas tant preiudiciable que salutaire. L'heureuse rencontre que feit Tobie de l'Ange Raphael allant en Rages fut asseuré par son moyen, & ne s'escarta point du droit chemin. Israel pour passer les effroyables desers, n'eut-il pas besoin d'un bon second pour le guider? aussi Dieu l'auoit-il muni d'un bon conducteur qui estoit Moyse. Bref Dieu s'estant seruy des causes secondes pour produire quelque eschantillon de sa toute puissance, & ayant pourueu ses seruiteurs d'ayde & conseil en leur entreprinse, ne nous ne le fault-il pas imiter? Là où il y va de nostre interest, & en ce temps icy où l'on voit des es-

prits Sophistes qui s'arrestent à l'escorce, se brouillēt la fantasie d'opinions aussi erronées que celle d'Ixion, lesquelles emporteroient ceux qui leur applaudiroient dans le precipice, si Dieu n'y auoit remedié par sa prouidence, nous ayant mis en main le libre exercice de nos volonte, aussi bien que de nos actions, & dōné des Anges tutelaires de peur qu'au chemin nous choppions à la pierre, & que feissiōs ainsi qu'Ænée, qui par la fureur & orage des vents, au lieu d'aller en Italie alla hors son esperance aborder à Carthage, vraye Hieroglyphique d'orgueil pour apprendre à ceux qui se veulent joindre au party de la reforme pretendue, qu'ils se laissent emporter s'ils le font, aux vents de la temerité, d'autant qu'ils suyuent l'esprit particulier de leur teste, sans se vouloir sous-mettre au iugement de l'antiquité, & voulants instituer vne nouuelle creance, fonder des moyens extraordinaires pour se sauuer, au lieu de le faire ils courent le grand galop à leur ruine, ne prenant pour guide en leur course que la legereté de leur esprit, & la foiblesse de leur iugement, & ainsi que le Cheualier Romain Curtius se precipitent, non pour le public comme luy, mais pour soustenir les opinions d'un cerueau mal tymbré, pour à quoy mieux remedier, ie diray en passant qu'il n'y a moyen plus fauorable que de faire à leurs cadaures ainsi qu'à ces fil'es

Mylesiennes qui se pendoient sans subiet, & volontairement, sçauoir est, les exposer à l'infamie, & publier leur hôte. Aussi s'estant percez du poignard de l'heresie, nous sommes bien assurez qu'ils sont morts à la grace, pouuons sans offence descouurir leur vergoigne, manifester leur homicide, & publier leur malheur; mais pour ne m'esloigner de mon discours, & pour n'esquiuier à descouurir mon dessein, considerons de grace les tenebres, les ambiguites, les fantosmes d'erreurs, & les precipices ou vont entraînants les ames ceux de la pretendue reforme. O quel labirynte dont Thesee ne pourroit sortir sans le fil d'Ariadne! Ont ils bonne grace à discourir de la iustification des saincts Sacrements de l'Eglise, du nombre de l'essence, de leur qualité, de la grace? Faut-il en prendre leur aduis? attendre la varieté de leurs fausses opinions, pour solidier nostre creance qui a sa base sur la colonne in-esbranlable de la verité? non Cadmée ny la-son ne veirent iamais tant de monstres naistre deuant leurs yeux, ny Ænée tant d'obscurité dans les enfers conduit par la Sybille Cumee pour aller veoir Anchise comme nous ferions. Iamais cet Heros n'entedit pres le mur d'airain basti par les Cyclopes tant d'horreur des espouuentables voix de ceux qui y estoient enfermez. S'il faut auoir quelque foy aux poëtes comme de diuers jargons de ceux-cy,

de contraires & discordantes musiques, viendroient frapper nos oreilles, qui lira les œuvres, mêmes trois pages du liure de l'Illustrissime Cardinal Bellarmin le cognoistra incontinent, en quoy veritablement on voit reluyre la bonté de la diuine Majesté qui a donné à son Eglise battuë du canon de la furieuse heresie, des doctes, mais tres doctes, des vertueux & signalez personnages pour dissiper les efforts de ceste beste à sept testes, & la reduire en cèdre. Le temps fut heureux jadis d'auoir trouué Hercule qui alloit defaisant les monstres, les voleurs & corsaires. Heureux l'Empire Romain d'auoir eu Marius pour mettre en deroutte & ruyner les cohortes, & armées des Gaulois, qui alloient derechef imitant leurs Ancestres, ruyner l'Italie, & brusler la capitale du monde. Heureux & bien fortuné nostre siecle d'auoir rencontré les Hércules & Heros dignes de lauriers & de palmes qui vont battant en ruynel'hydre monstrueuse de l'heresie, qui veult faire carnage des ames, mettent en deroutte les ministres de Satan qui veulent butiner dans l'Eglise Romaine nostre perte. Heureux Thesee qui fut tiré de la noire prison par le fils de Iupiter & d'Alcmene, mais plus heureuses les ames qui sont retirees de la bouche de l'Auerne esclairées par le flambeau du docte sçauoir de ces Peres. Ajax se vatoit d'auoir empesché que les Troyens ne bruslassent

les naïres Grecques. Achille estoit estimé la terreur de l'ennemy, mais les Peres Iesuites, avec plus de iustice se pourroient vanter d'estre le bouclier de l'Eglise, la lance & l'espée qui non seulement escartent les ennemis de Iesus-Christ, mais chassant au loing le Pyrate & escumeur, repoussant ainsi que Neptune ces postillôs d'*Eole* dans la cauerne de leur Roy: C'est l'heresie qu'ils vont battant iusques dans Geneue & la Rochelle, comme vn Centaure qui veut faire force à Deianire l'espouse de cet Heros: Chacun sçait que le Palladium tomba du ciel avec inscription que tandis que les Troiens le garderoient, leur ville ne tomberoit en la puissance des ennemis, qu'*Agamenon*, *Achilles*, *Nestor*, & *Vlisses* y perdroient leur escrime, leur force, leurs soldats, leur peine, leur temps, leur sang, & leur vie. La société des Peres Iesuites est ce Palladium, ce sçauoir de *Minerue* Deesse des arts & de sagesse, lequel estant conserué nous ne deuons craindre les assauts de l'heresie, mais esperer sa desfroutte: Poursuyray-ie donc les allegories, pour mettre au iour la reforme de nos reformateurs? Les trois Gorgones n'auoient qu'un œil dont elles jouyssoient chascune à son tour. Je ne m'arreste au sens de ceste peinture parlante, pour dire en vn mot que le reste du corps sans l'œil n'est qu'un tronc, l'esprit & les mains ne peuuent executer ses
grands

grands desseins : Ainsi à Byfance les Empe-
 reurs se font veus auueglés & priués de leur
 Empire, par les tyrans ; pour ne s'en pouuoir
 venger. Le Romain couppa les nerfs des
 poulces de ses enfans ; pour les rendre inhabi-
 les aux armes, mais celuy qui est sans yeux, en
 est beaucoup moins capable, n'estant qu'un
 fardeau qui surcharge inutilement la terre. Il
 faudroit escouter les plaintes du Thracien
 auueglé par Hecube ; pour en mieux scauoir
 la verité ; mais ie laisseray ces Allegories pour
 dire que le môde est composé de trois grands
 corps de l'Eglise, de Roys, & de subiects, & le
 lustre de la religion conserué par ceste docte
 & religieuse societé des Peres Iesuites qui sert
 d'œil à tous ; pour aller au Ciel ; laquelle les
 heretiques comme vn Perseus, nous veulent
 raurir, se promettant par ce moyen plus aise-
 ment la victoire, ou au moins accroistre d'a-
 uantage leur tyrannie, ouy, l'heretique, est-ce
 Perseus qui enuieux de nostre bon-heur, &
 enragé de voir l'Empire de l'Eglise florir, nous
 veut oster cest œil qui guide nos pas, & les
 mesure dans le chemin de la vertu & renuer-
 se ses desseins. De plus ce Persée voyant que
 cet œil qui a veillé dès la naissance de l'here-
 sie à nostre salut, ne se ferme point par asso-
 pissement de charité, que fait-il ? Iette la
 pomme de discorde parmy les trois Sœurs
 faisant courre le bruiet, que les Peres Iesuites

font perturbateurs du repos public, & des seditieux, ainsi alterent la santé de ce grand corps, & par sa médisance veut faire faire naufrage à leur reputation, afin aussi que sa detraction nuise d'avantage, se sert de l'astuce du Serpent, qui caché parmy les fleurs, picque sans estre apperceu, veut donner la taye à cest œil de l'ancienne doctrine, espendant parmy les veines du corps de l'Eglise, le poison de l'heresie, par le moyen de la picqueure, ou médisance: mais vous vous trompez ô heretiques, faites ainsi que l'Archer qui lance puissamment son dard contre vne matiere dure, laquelle resiste à son traict, & le renuoye frapper celuy qui l'auoit décoché. Le mal que pensez faire aux Peres Iesuites, retombe sur vos testes, d'autant que c'est la gloire des gens de bien, d'estre blasmez des meschans. Apprenez qu'il y a scandale pris & scandale donné. Or vous vous scandalisez sans subiect, & calomniez ces innocens. De même en vos ames noires, forgez des inuentions, pour noircir la candeur de leur reputation. C'est cracher contre le Ciel, cela retombera sur vostre visage comme criminels, & coupables qu'estes deuant Dieu, & deuant le monde, iugez d'eux à l'esgal de ce que sçauiez qu'on deuroit faire de vous. Je le feray voir en la quatriesme partie, & ne donnerez point la maille à cest œil qui esclaire & veille aussi bien

au salut du Royaume, qu'à la conseruation de la foy en l'Eglise, seruant à l'un par la doctrine, à l'autre par la charité, empeschent la subuersion del'Estat, & s'opposent comme vne double muraille à l'infidelité des ames qui mescognoissent vn vray Dieu, & se laissent glisser à toute impieté & desobeyssance vers le Roy, que Dieu nous a donné pour le représenter icy bas comme image viuante de sa diuinité. Car l'ame estant le premier mobile de nos actions, porte & emporte le corps au bien ou au mal quelle premedite volontairement, & luy doit-on imputer la bonté ou malice des actions corporelles, d'autant qu'elle est en l'homme la fontaine de vie, & comme l'eau d'une fontaine, ne peut estre bonne, s'il y a quantité de bourbe en sa source, de mesme si la malice remplit nos ames comme fange, elle altere nos actions, & les rend desagrea-
bles à Dieu. Les Peres Iesuites empeschent que la bourbe du peché ne croupisse dans nos ames, sont cooperants avec Dieu, que nous dressons nos intentions à ce qui est iuste & raisonnable, & par consequent au seruice du Roy, ioint à celui de Dieu, nous en ouurent la cognoissance, font voir clair en l'obscurité de l'Euangile, se peuuent seruir de la verge d'Aaron pour remettre les ames au premier estat. Dieu leur a commis soing des ames par luy rachepées, donné pouuoir de guerir la

lepre spirituelle, de reſtablir les ames mortes à la vie, leur a donné ſelon leur ordre & priuileges de ſon lieutenant, pouuoir de cognoiſtre de l'eſtat des conſciences pour les diriger à la felicité, & rehausſer leurs penſées vers le Ciel, doncques eſtant de l'ordre que noſtre Seigneur a eſtably, & faiſants la fonction Apoſtolique, ſuiuant le pouuoir qui leur eſt donné. Ils empeſchent la ruine de l'Eſtat, & bouluerſement des ames. Florimond de Raymond Hiſtorien fidel & veritable, nous apprend qu'ils ont eſté des leur Inſtitution des beaux flambeaux enuoyés par ſa Saincteté pour eſclairer en l'Egliſe, & deputés de Dieu ordinairement pour faire trois grands chefs-d'œuvres. Le premier de cōbattre par leur rare ſçauoir l'ignorance, ainſi que tout le monde ſçait, les doctes eſcrits de Suarez, Vaſques, Ribera, Saz, Becan, Pere Coton, & tout plain d'autres de ce tēpe en ſont de ſuffiſants teſmoignages ſans en rechercher d'autres, tous les plus grands de la France ne m'en dementiront point, puis qu'ils enuoyent leurs enfans pour y eſtre inſtruits, & afin de rendre conformes leurs mœurs & humeurs aux commandemēs de Dieu, voyla ce qu'ils ont fait à l'aduantage des François au lieu de les ruiner. Le ſecond chef-d'œuure eſt veritablement admirable, car ils ont fait teſte avec leur Patriarche le Beat Ignace d'heureuſe & ſaincte memoire à

ces deux espouuantables dragons, Caluin & Luther, & comme vaillants soldats de Ge-deon leur ont resisté dès lors qu'ils commencerent à vomir des blasphemés cōtre l'espouse du grand Dieu mere & nourrice de nos Roys, qui peut tesmoigner à nostre Roy, ny auoir personnes au monde plus curieuses de la conseruation de sa splendeur, de la vie, & salut de nostre Monarque, que sont ces braues guerriers de Iesus Christ, qui avec le bouclier de la foy, l'espee de la sainte doctrine, & la lumiere du bon exemple, ramènent les deuoyez au chemin de salut, & desfont ces harpies desguisées, qui alienent les cœurs des hōmes de la crainte de Dieu, & par consequent du Roy, d'autant que l'Eglise tient pour anathemes ceux qui ne luy obeyssent, ou qui se reuoltent de son Empire estably de Dieu. Les heretiques appellent l'Eglise la grande paillarde, & tiennent pour oeuvres du diable tout ce quelle commande, & disent qu'il ne luy faut pas obeyr, or est-il qu'elle a ordonné d'obeyr aux Roys, doncques suiuant le dire des heretiques, on ne doit pas leur obeyr, d'autant disent-ils que cest le commandement d'une prostituée. Par là vn aueugle cognoistroit la difference qu'il y a entre ceux qui sont hors l'Arche, & ceux qui sont dedans entre les Peres Iesuites, & les heretiques, les peres s'assubiectissans à ce quelle decrete, les autres à con-

trepoil les tiennent pour criminels, d'autant qu'ils luy obeyssent, & se seruent de la ruse du Chameau qui auant entrer en l'eau pour boire à longs traiçts, & à son aise, la trouble pour ne voir aussi la deformité de sa forme; Les heretiques voulants faire leur butin à nostre desauantage auant qu'y porter la main, s'escoulent parmy nous, à la faueur de la mesdisance par laquelle ils nous troublent le iugement, pour nous empescher de voir clair, esperants par ce moyen piller à leur aise l'heritage du fils de Dieu, pendant que animés les vns contre les autres, ils veulent comme loups que nous chassions les chiens de la bergerie, pour en faire curee, mais leur piege est esuenté, & ne prendra que les maladuisez, doncques nous sommes grandement redevables à Dieu, qui nous a suscité les Peres Iesuites, pour nous en aduertir. Mais que diray-ie de leurs saintes & deuotes prieres, qui bien souuent enterinées par nostre Seigneur qu'ils honorét de toute leur affection, ont telle efficace qu'à guise de Moyse ils nous font remporter la victoire de nos trois ennemis, & quelquefois des Attilas de l'Eglise en font des saints Pauls heureusement cōuertis. Par leur doctes predications, par remonstrances particulieres, & conseils charitables gaignent autant sur la dureté des cœurs en France au preiudice de l'heresie, qu'à mon aduis les doctes

escrits de S. Augustin feirent contre les Mani-
 cheens: Les heretiques ne se soucient de per-
 dre l'ame, cherchans à s'immortaliser aux des-
 pens du salut public; ainsi que celuy qui brus-
 la le Temple d'Ephese; mais il y sera remedié
 par la prudence des Peres Iesuites, qui imi-
 tent celle du fils de Dieu; s'arment du iuge-
 ment de Daniel, du zele de Dauid pour ac-
 croistre l'honneur de Dieu en terre, de la con-
 tinence de Ioseph; de la patience de Iob a sup-
 porter les iniures de leurs aduersaires; de la
 pieté de Tobie; de la fidelité de Mardochee
 au seruice de nostre Roy; & de la force de
 Samson à deffaire les Philistins du peché; &
 pour dire en vn mot imitent Iesus Christ
 qui a esté persecuté pour nous; ils le font pour
 l'amour de luy, a esté accusé de faire ses mira-
 cles en la vertu de Beelzebuth, d'estre sedu-
 cteur, & troubler la nation: Ils endurent la
 mesme calomnie, il a esté cōdamné à la Croix
 par faux tesmoins: aussi plusieurs font le
 procès aux Peres, sans cognoissance de cause;
 & au seul rapport des heretiques les destinent
 à toute sorte de supplice, Dieu comme vne
 brebis a esté appendu à la Croix, plusieurs de
 la mesme compaignie l'ont suiuy au martyre,
 S. Ignace de Portugal avec ses trente & neuf
 confreres, qui allants au Brésil furent misera-
 blement massacrez par les chiens de la meutte
 de Calvin pour le soustien de la foy. Leurs

confreres sont tousiours preparés à receuoir de la main de Dieu la mesme Couronne, laquelle ils trouueroient bien tost dans les glaiues des heretiques, si la main iusticiere du Roy nebridoir leur insolence; lequel souuerain recognoissant la bonté & vertu des Peres, par l'exēple qu'en ont laissé le Beat François Xavier, le deuot saint Stanislaus, avec ce grand Prince Aloysius, recognoist quel est leurs interieurs, & estre plein de zele pour son seruice, aussi en a-il choisi vn de ceste sainte compagnie, pour obeyr à la voix de S. Louys, qui donna aduis à son fils auant mourir; de faire eslection d'un conducteur fidel, pour prendre conseil de luy en toutes ses affaires, le Roy vray heritier de la vertu de son ancestre en a choisi vn, mais veritablemēt tres-deuot, tres-docte, & tres-religieux personnage, qui plein de zele diuin ne medite qu'en la loy de Dieu, & qui merite bien que sa Maiesté se confie à luy, comme à vn homme grandemēt spirituel & de vertu releuée, qui sçaura implorer la diuine bonté, afin que le cœur du Roy soit tousiours tourné vers l'Orient de son salut. Ce sera vn moyen puissant pour conduire nostre Monarque au mesme degré de perfection que son ayeul, y ayant beaucoup d'inclination, d'où suit que les bonnes ames qui pensent plus loing qu'à la vie presente, & recognoissantes la deuotion, non seulement

ment d'un ; mais de toute la compagnie , les honoreront & aymeront à l'égal de leur vie. Les perdus au contraire les hayront sans reconciliation ; d'autant qu'ils sont contraires à leurs œuvres , doctrines, & mœurs ; mais ce leur est de la consolation : car ils boient le fiel dont nostre maistre ne fit que gousters ; qu'il leur auoit reserué pour augmenter leurs merites , aussi les voyons nous paroistre plus contents , chargés de calomnies , & participants des miseres communes de la vie , que s'ils estoient chargés de mitres & de dignitez qu'ils fuyent d'autant qu'ils se consolent en l'attente de l'éternité. Dieu fera par leurs mains trancher la teste du Goliath par le glaive victorieux de la parole de Dieu , & si l'on doit prendre coniecture de la bonté Divine , qui d'un œil fauorable regarde maintenant nostre France. Je veux croire qu'ils arboreront la Croix sur les murs de la plus forte Citadelle ; ou l'erreur & impiété s'est campee en ce Royaume , & par les parfums de l'Ange tutelaire , en chasseront l'Asinodée , & toutes les troupes ennemies qui tiennent tant d'ames heretiques en esclavage , & seront d'une douce force obligés par le bon exemple des Peres Iesuites à seruir Dieu en Sion ; & quitter Samarie , d'autant que les choses sacrées sont prophénées par le mynistere des prophanes , ce qui incite tellement la bonté de

Dieu que n'estoit les veilles des Peres, on ne verroit que foudres essancés du Ciel, pour chastier l'orgueil de ces habitans de Babel dequoy ils sont obligés à ceste compagnie, les doiuent honorer au lieu de les persecuter, & changer leurs mespris en loüanges; qu'ils le facent pour n'encourir l'indignation de Dieu; & le blasme qu'ils meritoient s'ils faisoient au contraire. Passons à l'autre point.

De la mesdisance des Athees.

LA fable représente d'une bonne grace l'assemblée des brutes & des oyseaux pour se faire la guerre, la chauue souris seule se trouua à dire de l'un & l'autre party, de sorte que depuis elle est demeurée neutre, n'estant, ny brute, ny oyseau: Les Catholiques Politiques font le semblable, se tenans neutres aux differēts de la religion, ne veulent du tout improuuer nostre creance, mais adherent au party des pretendus reformez; en ce qui regarde le blasme des oincts de Dieu contre la deffence qui en est faicte au Deuteronomie. l'aymeroïs autant Comus qui dans Lucian faict des contes à Iupiter semblable à ceux que peuuent faire les Athées de nostre temps, desquels ie pleure avec larmes de sang

le malheur & la perte , car veritablement ils trouuent leur arrest dans l'Ecriture , qui dit que celuy qui ne croit point est desia iugé qui est tiede comme sont ceux-cy Dieu le vomist & le reiette de sa douce prouidence , ne doiuent attendre le grand iour des dernieres assises du souverain Iuge pour moissonner leur recompense grandement infortunée & pleine de desastre , d'autant que Dieu rend à vn chascun selon ses œuvres : Or est-il que ces mignons d'Epicure , n'estant ny froids ny chauds jargonnent mal gracieusement comme perroquets aux despens des Catholiques , & indifferemment des heretiques , blasment cruellement & sans subiet les bons Religieux , & nommément les Peres Iesuites , doncques ils font paroistre n'entrer en la querelle de la foy , & Dieu dist que qui n'est de son party est contre luy & avec les aduersaires , par consequent chauce souris, se couvrants du voile de la nuict de l'heresie , pour efforer leur esprit veulent paroistre au iour semblables aux Catholiques les plus forts & assurez de leur salut, mais en leur ame ne tiennent conte ny de l'Eglise ny de la foy non plus que de Dieu auquel ils ne croient point , mais ie laisseray ces Messieurs à part cōme indignes d'arrester nostre esprit , pour parler à ceux d'entr'eux qui ont quelque reste de pieté religieuse , & cognoissance d'un vray Dieu qu'ils scauent auoir

crée l'homme à son image pour en retirer sa gloire & se le rendre homager exigeant de luy en sacrifice le cœur & la langue, l'un pour méditer la grandeur, l'autre pour publier la bonté & luy rendre louage, mais ô malheur, qu'au lieu de luy offrir pour victime nostre langue, la plus part l'employent à la destruction du prochain, s'en seruants ainsi que Pandore de sa boiste pour rendre infortunée & des-honorée les mieux fortunez & les plus honorables. Sainct Iacques à ceste occasion l'appelle vn boutefeu, vn mal sans repos, la source du bien & du mal, m'a creance est que Senèque n'entendoit par son vrne ou l'or & la vipere estoient enfermez, autre chose que la qualité de la langue, laquelle selon son application est precieuse comme l'or ou pernicieuse comme la vipere: La nature luy a donné des gardes qui font la sentinelle iour & nuict à l'entour, de peur qu'elle estant en vn lieu glissant, ne se porte insensiblement à la mesdisance, si cela arriue à quelque Catholique qui ay la crainte de Dieu, qu'il se souuienne que c'est chose humaine de pecher, diabolique de perseuerer & angelique de se repentir, & qu'il suyue l'aduis de S. Hierosme, qui conseille à celuy qui est coupable de ce crime qu'il s'estudie à corriger ses actiōs plustost qu'à colliger celles d'autrui pour en mesdire, & celuy, dit-il, qui a contracté habitude à ce mal par vne vertu oppo-

site & habitude contraire, doit s'estudier à deffaire & ruyner cet ennemy domestique, mais pour en venir à bout il fault y veiller ainsi qu'un Argus, & garder plustost un perpetuel silence que de se licentier à censurer les mœurs & actions de nos semblables, & particulièrement de ceux qui sont nos guides au chemin de la vertu, auxquels nous sommes obligez d'un singulier deuoir, ainsi qu'Alexandre dans le paganisme s'est rendu recommandable par le respect qu'il portoit à Aristote de qui il auoit appris la philosophie. Nous instruits en meilleure escole sommes comme forcez par les loix de la droicte raison d'honorer les Peres Iesuites come nos peres spirituels, & bons maistres, desquels ne deuons iamais parler qu'avec respect: car les Payens faisoient fustiger dedans Rome tous ceux qui estoient conuaincus de mesdisance, & mener à l'entour de l'Amphitheatre, puis vendre comme esclaves, d'autant que comme disoit le Prince Vespasien, celuy qui tolere la mesdisance est coupable du mal qui en arrive, ce qui donna occasion à Plin de louer Traian, d'autant qu'il la bannissoit de son Empire, faisant punir les detracteurs, les uns de mort, & enuoyoit les autres aux isles Baleares. Les anciens ont tenu pour constant & asseuré que les Dieux pour punir Homere de sa mesdisance le rendirent aueugle, l'Imperatrice Sabina pour en faire

veoir la mesquinerie fait peindre en vne de ses
 medailles vn Aigle paisible accompagnée d'v-
 ne croassante corneille, dont les Naturalistes
 tiennent qu'elle ne s'esmeut nullement, pour
 nous apprendre que les gens de bien & ver-
 tueux ne s'esmeuent pour les mesdilances
 des mal-viuants, d'autant qu'ils sçauent bien
 que la vertu est tousiours enuiée, & que tous-
 iours le corps au soleil est suiuy de son ombre.
 Je diray de plus par aduertissement à ceux qui
 se baignent en ce vice, que si les Payens l'ont
 puny, & se sont efforcez d'en descouurir la
 deformité que nous qui sommes fils adoptifs
 du vray Dieu, lauez dedans son sang, deuons
 non seulement bannir ce peché de nous pour
 ce qu'il nous est preiudiciable, mais aussi pour
 ce qu'il luy est desagreable, ainsi que la puni-
 tion de Semei qui auoit maudit & mesdit de
 Daud, nous est vn bel exemple pour nous
 faire veoir que ce peché est grandement pu-
 nissable, d'autant que par iceluy l'on offense
 aussi bien les amis que les ennemis, joint que
 cela ne s'accorde à la raison, qui veut toutes
 choses estre ordonnées en poids & mesure. Je
 quitte ce subiet pour passer au dernier.

*Comme les Heretiques sont ennemis
de l'Estat.*

RENDEZ à Cefar ce qui est à Cefar, & à Dieu ce qui est à Dieu, repartit le Sauveur du monde aux Iuifs qui le vouloient surprendre en la question qu'ils luy propoferent; par là pouuons apprendre qui veut la paix, & non la guerre, l'ordre au lieu du desordre, la Monarchie, au lieu de Aristocratie, la Iustice au lieu de l'iniustice; d'autant que comme dit le diuin Harpeux il est iuste, ayans tousiours veu d'un bon œil l'aquité. Or l'exercice de la iustice ne se peut entretenir où il n'y a point d'ordre, point de Monarque, d'autant que Bellone y arbore incontinent ses estendarts; met tout en confusion, renuerse la police; vray symbole des heretiques qui en effect aussi biẽ qu'en leur doctrine font paroistre qu'ils ne veulent de loix ny de Roys qui ne facent joug & ployent à leurs caprices; leurs premiers Patriarches Calvin & Luther en ont jetté les premiers fondements qui faisant profession de reuolte, preschoient au peuple comme esprits esgarez & furieux la rebellion vers leurs Princes legitimes, publiants que là où est l'esprit de Dieu, là deuoit estre toute liberté, & que ceux qui estoient au degré de

perfection, en esprit de liberté estoient exem-
 pts & deuoient l'estre de toute subiection hu-
 maine & Ecclesiastique, d'autant que disoient
 ils les loix de la police ciuile & Ecclesiastique,
 sont inuentions des mortels hors l'autorité
 expresse de l'Escripture, que mesmes les hom-
 mes ne les Anges ne peuuent imposer des
 loix aux Chrestiens pour estre obligés d'y
 obeir, si ce n'est que volontairement ils
 s'y assubiectionnent. De là suit la consequence
 necessaire que ne sommes obligez à garder les
 commandemens de Dieu donnez à Moyse
 par l'Ange sur le mont de Sinai, ny de plus
 obeir à la voix du fils de Dieu qui estoit vray
 homme, d'autant, que disent-ils, les Chre-
 stiens ne sont tenus d'obeyr ny aux Anges ny
 aux hommes, & non plus aux Roys établis
 de Dieu, confirmez par son fils, & receus de
 siecle en siecle. Voilà pas des bons reforma-
 teurs qui ne reçoient rien que l'esprit de li-
 berté, accompagné de toute sorte d'impiété
 enuers Dieu, & d'infidelité vers le Roy : puis
 qu'ils se dispensent d'eux mesmes des crimes
 susdits, sans faire scrupule d'en auoir l'ame of-
 fensee, ce n'est pas la premiere fois ny premier
 dementir qu'ils donnent à nostre Seigneur,
 non plus la premiere fois qu'ils ont résisté à ses
 loix, quand ils contreuient à ce comman-
 dement expres qu'il nous a fait, d'obeyr à
 toute puissance, & de rendre au Roy ce qui
 est à

est à luy, & à Dieu ce qui luy appartient, criminels qu'ils sont de leze Maïesté diuine & humaine; au premier & second chef. Au premier blasphemants contre Dieu limitants sa puissance, & au lieu de receuoir la loy de luy, l'a luy veulent dōner, vraye Architectes de la Babel & meurtriers des âmes qui ne peuuent attendre de Dieu qu'un iuste chastiment. Au second chef ils sont coupables du crime capital, voulants renuerfer l'ordre que Dieu a estably au gouuernement d'icy bas, & se mutiner cōtre le lieutenant de sa diuine Maïesté; le voulants despoüiller de l'aïthorité que Dieu luy a par prerogatiue donnée sur la Monarchie de la France; aussi bien que sur ceux qui sont parties de ce corps; ou nous ne recognoissons qu'un chef Rōy légitime, vray heritier de ses ancestres; auquel les Peres Iesuites desirent un regne heureux, & des subiects obeyssants; au contraire des pretendus reformés qui vollent le cœur de ses subiects; alterent leur zèle en ce qui est de son Prince; exigent par force de sa Maïesté des grosses pensions; retiennent les villes, s'en emparent; y establisent des gouuerneurs à leur poste; gouuernent les subiects du Roy à leur mode; se font payer tribut, ne rendent point à Cēsar ce qui est à Cēsar, & ne payent le tribut au Roy qu'ils luy doiuent de droit diuin, mais au contraire ce le veulent assubiectir & grondants

& remuants, courent aux armes & tost qu'il parle de faire quelque chose sans leur en demander aduis, estiment criminels, & appellent Espagnols ceux qui ouurent la cognoissance au Roy du dommage que telles pestes apportent en son Royaume. Sont-ce pas des bons seruiteurs du Roy, & bons François que ces Rochelois, Geneuois, & tous Caluinistes qui n'en recognoissent point que par forme d'aquit? ils le tesmoignent bien a tous les remuemens, car au lieu de seruir le Roy, ils reçoient les factieux & mescontents contre le gré de sa Maiesté dedās leurs villes sans luy en demander permission ny aduis, disent ainsi que les enfans du siecle, sus faisons parler de nous, & voyons s'il y a vn Dieu qui se souuienne de nos impietez, faisons bonne chere & nous resioüissons, car Dieu ne nous verra pas, ainsi ils imitent Baltazar en son impieté, aussi le pourront ils bien suiure en son chastiment. Qu'ils se souuiennent du commandement de Dieu, qui dit: obeyffez à vos Princes, mesmes maluiuants, il ayme mieux obeyffance, que sacrifice, & veut que la pensee du iuste se soubmette à la volonté de son Roy, les en recompense ainsi qu'il fit les fils de Ionadad pour auoir obey à leur pere, mais les heretiques ne pensent point à la loy de Dieu, ne l'a veulent garder, aussy ne seront-ils pas recompensez, mais plustost effacez du liure de vie, & s'il y auoit

plus grand chastiment reſerué aux criminels de leze Maieſté diuine, les heretiques les meritoient, d'autant que comme dit l'Eſcriture, la deſobeyſſance eſt vn peché plus enorme deuant la face de Dieu, que celuy d'idolatrie, doncques ces heretiques deſobeyſſants à Dieu & au Roy, ainſi que i'ay ſuffiſamment prouué, meritent vn grand chaſtiment: Nouat Catholique diſoit que ceux qui obeyſſent au Roy, n'obeyſſent pas ſeulement à vn homme, mais à vn Dieu qui nous l'a pluſieurs fois recommandé dans l'eſcriture: doncques portez vous à ce deuoir, vous autres difformez, releuez de la Couronne & du Roy pour qui prient continuellement les Peres Ieſuites, rendez luy ſes villes, payez luy le tribut ainſi que le fils de Dieu vous commâde, n'accuſez les innocens de vos crimes, d'autant que ce ſeroit vous faire voſtre procès, & la ſentence que fulmineriez contre eux, ſeroit executée ſur vous, ainſi que ſur les deux faux Iuges de Suſanne: la dignité Royale eſt ſacrée, & ne vous eſt permis d'y attenter, ny au Roy qui eſt loingt du Seigneur. Les Payans meſmes ont honoré ceſte qualité, honorans ceux qui la poſſedoient par ſus toute ſorte de perſonnes, les receuoient en leurs villes avec vn honneur qui ne ſe rendoit point à d'autre qu'à eux, qui ſeuls dedans Rome auoient pouuoir d'ouurir la porte de la guerre, & ſi les abeilles

ont vn Roy, l'entourent pour sa conserua-
tion, que ne deuons nous pas faire nouris en
l'eschole de Iesus Christ, obligés formellemēt
à leur obeyr, mais aussi à les honorer ainsi que
les Prophetes honoroient les Roys, & tous
gens de bien les ont suiuis en ce deuoir, les res-
pectants cōme viues images de Dieu en terre.
Les Peres Iesuites le sçauent, & le font, ne
veulent autres villes de seureté que sa clemen-
ce, ny pour asyle que ses pieds, ny armes que
sa naturelle bonté, au contraire de vous au-
tres qui estes perpetuellement alarmés, & ne
vous faut qu'une mouche pour vous faire
prendre les armes, accordez vous avec les Pe-
res Iesuites, à bien seruir le Roy, le cognoistre
& recognoistre, mais i'estime que leur voulez
tant de mal, que ne ferez iamais rien de ce
qu'ils font, & par consequent serez tousiours
rebelles à vostre souuerain, si on ne cherche le
remede en vous mesme, & cōme en la lance
d'Achille pour guérir ce mal: doncques ie se-
rois d'aquis que le feissiez de vostre bongré,
sans y estre forcés, & prie Dieu qu'il vous in-
spire, brisant la glace de vos cœurs par le feu
de son amour, afin que chantiez la palinodie
avec nous pour arriuer à l'heritage de son fils
qu'il nous faut trouuer dans la croix auant
que l'aller chercher au ciel, & qu'un contente-
ment qui n'est que d'un moment, ne vous
fasse perdre les biens solides & eternellement

durables, ie vous en prie, mais quittez au nom de Dieu ce libertinage pour charger le ioug du fils de Dieu sur vos testtes, il est leger, & si le portez en ce monde vous serez heureux en l'autre, ce que ie desire de tout mon cœur.

Soli deo honor & gloria.



GENERALOGIE DE
Madame de Luynes.

MADAME,
Lerang que Monseigneur vostre mary & voustenez, est veritablemēt celuy qu'ōt tenu ses ancestres & les vostres. Il y a eu deux grands Cardinaux en sa maison, deux grands Euesques, & plusieurs Cheualiers des ordres des Roys de cetēps-là, mais d'autant que mōsieur des Blancs, gentilhomme qualifié narre tout au lōg dās son liure de l'Heliotrope Luy-nienel l'extraction de Monseigneur, ie me contenteray d'y r'enuoyer le Lecteur afin de dire vostre origine qui est fort antienne & illustre, estant de la maison Royale de Bretagne laquelle du tēps du grand Cesar luy resista quād il passa en Bretagne, il le marque en ces Commentaires, ou ie l'ay leus'en estant rendu mai-

estre par force d'armes, il osta le tiltre de Roy,
 ne laissât que celuy de Cōpte, qui estoit neāt-
 moins tiltre de Souuerain, mais releuant de
 l'Empire: Du depuis l'Empire estant changé,
 prirent le tiltre de Roys, & du temps des en-
 fans du Grād Roy Clouis Chanao Souuerain
 de la Bretagne auoit trois freres, dont il en fit
 mourir deux, n'en reseruant qu'un nommé
 Macliaue qu'il tint prisonnier, fut deliuré par
 Foelix Euesque de Nantes, & par ce moyen
 estant en liberté vsurpa à l'ayde de Baudic
 grand Seigneur & signalé en Bretagne, la
 Royauté de son frere qu'ils partagerent, luy
 & Baudic, à condition que le premier mou-
 rant auroit ces enfans pour successeurs, sans
 aucun empeschement de la part de celuy qui
 suruiuroit, Baudic mourant le premier, laissa
 un fils nommé Theodoric, qui fut frustré de
 la principauté de son pere par Macliaue qui
 l'vsurpa & en iouyt iusques à ce que Theodo-
 ric fust en aage, qui la reconquist par force
 d'armes, & fist perdre la vie à Macliaue qui
 laissa un fils appelé Vvaroch qui se cōtenta de
 laisser à Theodoric son appanage pour viure
 en repos, où il fut neantmoins troublé par le
 Roy Gonthran assisté des Saxons qu'il défit
 vaillamment, ce rangea à Chilperic auquel il
 fit hommage de sa principauté, dequoy par
 apres se voulant desdire, il fut mal traité pour
 un Prince de sa qualité, eut un fils nommé

Chanaon, dont sortirent trois diuers enfans:
 le puîné eut en appanage Rohan qui mesna-
 gea tellement ses affaires qu'il estoit plus riche
 que le Duc de Bretagne son aîné; qui n'auoit
 que Nantes & Rhenes. De ce seigneur de Ro-
 han sortirent deux fils, del'vn sont sortis Mes-
 sieurs les Princes de Guimené, qui espousa
 Ieanne fille du Roy de Nauarre appellé Phi-
 lippes le bon Compte d'Eureux, en l'an 1341.
 son fils aîné nommé Alain espousa la fille
 d'Artus son parent & souuerain de la Breta-
 gne, en l'an 1391. Iean Compte d'Angoules-
 me espousa sa fille, dont sortit François se-
 cond du nom, & Duc de Bretagne, l'an
 1399. le petit fils d'Alain espousa la fille
 de Iean cinquiesme du nom; Duc de Bre-
 tagne qui estoit beau frere de Charles sixies-
 me Roy de France, de ceste alliance sortirent
 la Comtesse de Rieux & la Cōtesse de la Val
 qui firent de belles fondations, l'an 1408. Mar-
 guerite de Rohan espousa le ^{seigneur} Compte d'An-
 goulesme, dont sortit le Roy François pre-
 mier, l'an 1442 le petit nepueu d'icelle Mar-
 guerite espousa la fille du Duc de Bretagne,
 l'an 1482. le seigneur de Rohan espousa Isa-
 belle fille de Iean d'Albret & de Catherine
 de Foix Roy & Royne de Nauarre, donc par
 là peut-on bien cognoistre vostre extraction,
 Madame, & le prouerbe de vos ancestres
 estoit: Duc, ie ne daigneroy, ie ne puis Ro-

*+ naquit Charles
 d'Orléans Comte
 d'Angoulême qui
 espousa Louise
 de Savoie Reine
 naquit en 1494*

han ie suis, & tenoient tel rang en France que
 nuls ne passoient deuant eux, que les Princes
 du sang, ce que i'ay fidellement recueilly de
 l'Histoire de Saint Gregoire de Tours, sur le
 temps des enfans du gtrand Clouis, & del'Hi-
 stoire de Guychardin parlant de Marguerite
 de Rohan mere de François premier ; & de
 plusieurs autres Historiens, le tout avec veri-
 té, & pour vous rendre preuue de mon hum-
 ble seruice.

F I N.



